



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis Et Episcopis per regnum Franciæ constitutis.

urn:nbn:de:hbz:466:1-20020

*EPISCOPO, ET ABBATI
sancti Iohannis, & Archidiacono
Parmensibus.*

*Epif. 112.
De electione
Archiepiscopi
Mediolanen-
sis.*

Eccllesia Mediolanensi vacante, vota
in pastore divisa sunt in tres partes, qui
buldam venerabilem fratrem nostrum Ver-
cellensem Episcopum postulantibus, aliis
autem dilectum filium Mediolanensem Ar-
chidiaconum, & nonnullis Mediolanensem
Archipresbyterum eligentibus in pas-
torem. Pro quibus procuratores partium
ad sedem apostolicam destinati, non so-
lum diversa, sed aduersa, tam de confusio-
nibus quam de pluribus aliis proponere
curaverunt; sicut ea omnia vobis sub bulla
nostra mittimus annotata. De quibus, cum
non possint facere nobis fidem, inquisitio-
nem eorum nos oportuit delegare. Quo-
circa discretioni vestrae per apostolica
scripta mandamus quatinus vocatis qui
fuerint evocandi, & inquisita super omnibus
diligentissime veritate, specialiter autem
utrum de antiqua & approbata con-
fuetudine omnes & singuli tam Abbates
quam Prapropositi ac etiam Capellani parem
cum Ordinariis in electione Mediolanensis
Archiepiscopi vocem habeant, & si nec
omnes nec parem, qui & quantam, utrum
videlicet non in singulis ordinum, sed in
ordinibus singulorum, sit paritas atten-
denda, vel potius jus eligendi penes Or-
dinarios tantum refideat, & ceteri prop-
ter honestatem solummodo vocari con-
sueverint ad cauclam, utrumve omnes
vocati fuerint, an aliqui pratermissi, quid
etiam potestatis aut juris Episcopi suffra-
ganei habeant in negotio memorato; &
qua inveneritis, per vestras nobis litteras
fideliter intimetis, ut per relationem ves-
tram instruicti, commodius in ipso nego-
tio procedamus; praesigentes partibus ter-
minum competentem quo receptura senti-
entiam nostro se confectui repræsentent.
Quod si non omnes &c. tu ea, frater Epis-
cope, cum eorum altero ea &c. Datum
Laterani vii. Junij, pontificatus nostri
anno decimoquinto.

*ARCHIEPISCOPIS ET EPISCOPIS
per regnum Franciae constitutis.*

*Epif. 113.
De concubina-
ris absolu-
tis.*

Rigorem mansuetudine temperantes,
præsentium vobis auctoritate conce-
dimus ut transgressores statuti quod dilec-
tus filius Guala tituli sancti Martini Presby-
ter Cardinalis tunc apostolicae sedis Lega-
tus in concubinarios promulgavit, & a

vinculo excommunicationis secundum for-
mam Ecclesie absolvere valeatis & cum
eis milericorditer dispensare, siurgens ne-
cessitas aut evidens utilitas postulaverint,
qui haec tenus præsumperunt aut amodo
præsumperint excommunicati celebrare
divina, injungendo eis pœnitentiam com-
petentem; attentissime provisuti quatinus
in hoc articulo sic flectatis ut non rumpa-
tis neruorum ecclesiasticæ discipline, ne fa-
cilitias venia peccandi tribuat incentivum.
Volumus igitur & præcipimus ad cauclam
ut dispensationem eorum sedi apostolica
reservetis qui publicè delinquentes, non
verentur in populo scandalum generare.
Ne verò peccantes sua non audeant prop-
ter pecuniarium peccatum confiteri peccata,
fraternitatem vestram monemus & obse-
cramus in Domino, per apostolica vobis
scripta mandantes quatinus gratiam indul-
gentiae in quæstum avaritiae nullatenus
convertatis, fines hujus mandati fideliter
observantes: quoniam si aliter egitis,
non solùm divinam, verùm etiam aposto-
licam incurretis offensam. Datum Late-
rani vii. Idus Junij, pontificatus nostri
anno decimoquinto.

*NOBILI VIRO IACOBO
Confobrino & Marescalco nostro.*

Cum ejus vices geramus in terris qui
unicuique secundum sua merita legi-
tur redditus, his qui apostolicae sedis ob-
sequio & pro ea etiam periculis se expo-
nunt magnifice debemus & volumus rel-
pondere, quatinus sic labores eorum re-
muneremus in ipsis ut alios ad nostrum fer-
vitum inducamus. Olim siquidem cum
Marcualdus, Dei & Ecclesie inimicus, in
devotos apostolicae sedis & canisimi in
Christo filii nostri Frederici Siciliae Regis
illustris fideles quasi desavires impune, ac
Siciliam ex multa parte ferro flammique
valetaret, regnum tibi usurpare disponens,
ut eidem Regi, quem inclitæ recordatio-
nis Constantia Imperatrix tutelæ nostræ
commisit, & regno, cuius balum nobis
testamento reliquit, necessarium & ex-
pectatum diutius subsidium præstaremus,
militibus quos pecunia nostra conduxi-
mus te duximus præferendum, & in Siciliam
curavimus destinare. Tu ergo de mandato
nostro regnum ingressus, post multas an-
xietates, tollitudines, & labores, de Fre-
derico in Calabria & Marcualdo in Sicilia
faciente Domino mirabiliter triumphasti,
memoriale comparans nomen tibi, & fa-
mam apostolicae sedis extollens, quam